

# JON

## gv Siti Lvumnv bv Jinam Mintamchonam

*Jon gv lvum nvnbv lvknam siti si Gaius vnam Gvrja rigv um “nyigagatv” vdwgv lokv lvkto. Kristan kvbia ninyigv mvdurridur nam lvgabv lvknv ngv giausnyi hartvto, okv Diotrepes vnam nyi akonyi alv manam lvgabv gamrwto.*

### **Arwng lokv darlinnam**

Mintamchonam (1-4)

Gaiusnyi hartvnam (5-8)

Diotrepesnyi miyakayanam (9-10)

Dementriusnyi mvnglwkw jinam (11-12)

Mintarminya (13-15)

<sup>1</sup> Abwng lokv—

Ngoogv jvjvrungbv paknam, ayanam Gaiusnyi.

<sup>2</sup> Ngoogv ayanam ajin, noogv Dow lo alv-dunv vla ngo chinam aingbv—ogumvvnwng ngv alvminggv yilakv okv noogv adwnayak vka alv yilakv vla ngo kumdunv. <sup>3</sup> Noogv jvjvlo ribvdoobv-nam aingbv—vdwlo kristan meego aadula okv no jvjvlo vdwgo jwkjwkvrvwk la ridu vla nga minam am ngo achialvbv mvngputo. <sup>4</sup> Ngoogv umvuu vdwv jvjvlo ridudodu kv vnam am ngo tvvpanam si oguguka mvngpu yanvgo kaaku madu.

### *Gaiusnyi hartvnam*

<sup>5</sup> Ngoogv ayanam ajin, nonuno kvbi kristan ajin vdwgv lvgabv vdwlo bunu nyien bv rijeka

kudungkua riji kolo nonu achialvbv jwkjwkvrvk  
 bv ridu. <sup>6</sup> Bunu gvrja lo nonugv paknam lvkwn glo  
 japla ridu. Pwknvyarnvnyi mvnglw koodubv  
 bunugv mooying vngtung nga vngbv dubv bunua  
 mvdurridur laka. <sup>7</sup> Vkvlgavbolo mvngjwng-  
 manv vdwg vlo oguka ridurnam kamabv Kristo  
 gv kudungkua lvgabv bunu mooying vnglintoku.  
<sup>8</sup> Vbvrikunamv, ngonu kristan vdww, sikvny ni  
 vdww sum ridur tvka vbvribolo ngonu bunua jvjv  
 gv lvgabv kudungkua nga ridur minggv lare.

### *Diotrepes okv Dementrius*

<sup>9</sup> Ngo gvrja lo siti takching achukgo lvkto;  
 vbvritola Diotrepes, oogv rigvdubv mvngv,  
 vv ngo ogugo mimpvdw um tvvgap jima.  
<sup>10</sup> Vbvrikunamv, vdwwlo ngo aarekudw vkvgv  
 ripvkunam ogumvnwng nga ngo aagv jireku:  
 Busunam gaam si hv vdwwgo ngonu lvkwn glo  
 mimbvdw okv hv mvvla minku bvdw! vbvritola  
 ninyi lvgabv vv mvngchik chima; ngonugv  
 kristan ajin vdww bunu aajvka umka laarwk  
 simare, okv laarwk sinwngv vdwwaka bunua  
 mintur yala ridu okv bunua gvrja lokv charlin  
 yadubv gwngduku!

<sup>11</sup> Ngoogv ajin vdww, alvmanv nga kaagv la  
 riyoka, vbvritola alvngv ogudw um kaagv la  
 ritoka. Yvvdw alvnbv ridunv vv Pwknvyarnv  
 gvbv ridunv; Yvvdw alvmanv ogudw um ridunv  
 vv Pwknvyarnvnyi kaama dunv.

<sup>12</sup> Dementrius gv lvkwn glo nyi mvnwng ngv  
 alvnbv mindu; jvjvklv ngvka ninyia alvnbv  
 mindu. Okv ngonuka bvngtam minggv dunv, okv  
 nonu chindu ngonu ogugo mindudw vv jvjvdu.

*Kumnyung bv kumrwksikunam*

<sup>13</sup> Ngo gvlo nonua achialvgo minsv ngv doodu, vbvrijvka ngo koolum okv sai lokv lvknya jilama.

<sup>14</sup> Nonua ngo baapubv kaarwk sinvpv mvngtin sidu, okv vbvrikubolo ngonuv doorwk sitola atu-anying ngv japrwk sipa reku.

<sup>15</sup> Sarsopoyo ngv nonu gvlo dooming gvyilaka .

Ngoogv ajin vdwv kumrwksinam am jilwkdu. Nonugv ajin mvnwng ngv kumrwksidu.

**ANWNV GAMLV**  
**Tagin first Bible translation based on TEV (Good News)**  
copyright © 2018 The Word for the World International

Language: (Tagin)

Contributor: The Word for the World International

The New Testament in Tagin  
Published as

**ANWNV GAMLV**

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-08-23

---

PDF generated using Haiola and XeLaTeX on 22 Feb 2024 from source files dated 15 Apr 2023

65e96bca-33d6-5dc6-a8ee-da485ecfb7ed